

昌黎文集

昌黎文集

新刊五百家註音辨昌黎先生外集目錄

第一卷
雜文

省試明水賦

王司馬宅經芍藥歌

海水

贈崔立之

贈河陽李大夫

苦寒歌

請遷玄示議

范蠡招大夫文種議

詩之序議

三器論

第二卷

書

上賈滑州書

上虞部崔員外書

與張徐州薦薛公達書

與少室山李拾遺書

荅劉秀才論史書

召大巔和尚書

第三卷

序

送監軍俱文珍序

送令縱西游序

與路鵠秀才序

贈別序

送毛仙翁序

第四卷

雜文

通解

擇言解

鄴人封

河南同官記

宜城驛記

題李生壁

第五卷

雜文

除崔羣戶部制

祭汴州董相公文

雷塘禱雨文

祭石君文

祭房君文

高君仙硯銘

并序

高君畫讚

潮州請置鄉校牒

直諫表

論顧威狀

第六卷

順宗實錄卷第一

起藩邸盡貞元二十一年二月

第七卷

順宗實錄卷第二

起二月盡三月

第八卷

順宗實錄卷第三

起四月盡五月

第九卷

順宗實錄卷第四

起六月
盡七月

第十卷

順宗實錄卷第五

起八月
盡至山陵

新刊五百家註音辨昌黎先生外集目錄終

五百家註音辯昌黎先生外集卷第一

雜文

省試明水賦

玄化無宰至誠感通為韻出周禮司烜氏掌以夫遂取明火於日以鑒取明水於月以供祭祀之明盥明燭共明水明絜也取水火於日月欲得陰陽之絜氣也孫曰貞元八年禮部侍郎陸贄知貢舉試進士明水賦御溝新柳詩賈後陳明歐陽詹李博馬宿王涯張季友齊友若劉遵古許季同次繼穆贄韓愈李絳溫商庚承宣負然明諒崔羣邢昺裴光輔萬瑄等二十二人中第其間多知名士時號為龍虎榜公詩逸矣唯此賦存樊曰東平呂夏卿云通解崔虞部書明水賦河南同官記趙德文錄所載德潮人公為刺史時攝海陽尉督州學生徒者疑德親受本於公比它本為最可信嚴曰此賦以玄化無宰至誠感通為韻而賦中不押誠字或疑有誤以予考

之歐陽詹亦以是年擢第其集中所載明水賦韻云玄化無宰至精感通則知誠字為誤

古者聖人之制祭祀也必主忠敬崇吉蠲

祝曰詩天保吉

蠲為饅毛氏注云吉善蠲勑祭也。蠲音消。不貴其豐乃或薦之以水

孫曰周禮共明

水者以不可以黷斯用致之於天其事信美其義

惟玄

即謂玄酒

月實水精故求其本也明為君德因

取以名焉於是命烜氏

烜氏即司烜氏也見題注。烜音燬。

候清夜或

將祭圓丘於玄冬或將祀方澤於朱夏

孫曰冬日祭天於

圓丘夏日至祭地於澤之方丘皆用此明水也。一本祀亦作祭。

持鑑而精氣旁射

韓

淮南子積陰之寒氣為水水氣之精者為月。

照月而陰靈潛下

樊曰謝莊月賦日以陽德月以

陰視而不見謂合道於希夷挹之則盈方同功

於造化應於有生於無生一作聲形象未分徒騁離

婁之目樊曰趙岐注孟子離婁古之明目者黃帝時人黃帝遺珠使離朱索之離朱即離婁也能視百步之外見秋毫之末光華暗至如還合浦之珠韓曰東漢孟嘗為合浦太守郡不產穀而

出珠先時守宰貪穢珠徙交趾嘗到官易前弊珠復還孫曰謂鑑之取水其狀如珠之滴既齊芳於酒

醴樊曰禮記明堂位夏后氏尚明水商尚醴周尚酒詎比賤於潢汚孫曰左傳黃

可薦於鬼神明德惟馨玄功不宰于以表誠潔于

以戒荒怠苟失其道殺牛之祭何為韓曰易既濟東隣殺牛不

如西鄰之禴祭禴祭薄祭也如得其宜明水之薦斯在薦一作為非是不

引而自致不行而善至雖辭麴蘖之名實處罇

壘之器降於圓魄樊曰書哉生魄注月十六日也殊匪金莖之露孫

曰

班固西都賦曰抗仙掌以承露擢雙立之金莖漢武帝元鼎二年春作銅柱承露仙人掌之屬三輔故事云建章宮露盤

高二千丈大七圍以銅為之上有仙人掌承露和王屑飲之金莖即銅柱也出自方諸孫曰鄭氏注周

禮云鑒鏡屬取水者世謂之方諸淮南子曰方諸見月則津而為水高誘注去方諸陰燧大蛤也孰摩令熱以向月則水

生銅槃受之下水數石也漢書名鏡為方諸下似鮫人之淚樊曰梁任昉述異記南海有鮫人水

居而能織曾寓人宿既將以贊于陰德非獨配于陽燧

去泣別所墮淚皆成珠祝曰周禮金錫半謂之鑒燧之齊注鑒燧取水火於日月之器燧音遂夜寂天清煙消氣明

桂華吐耀韓曰虞喜安天論云月中有仙人桂枝玉兔騰精孫曰王所白兔傳玄曰月

中何有白兔搗藥興福降杜騰精騰其光也樊曰五經通義六月中有兔與蟾蜍並玉兔一作兔影聊設

監以取水監當作鑑伊不注而能芴霏然垂象莊一的

爾而呈始漠漠而霜積漸微微而浪生補注此韻

漏官韻識

字疑本脫誤

豈不以德叶于坎同類則感

孫曰坎為水鑑亦水類故去同類則

感形藏在空

作在一於

氣應則通鶴鳴在陰之理不謬

武嘯于谷之義可崇

孫曰易中孚鳴鶴在陰其子和之言鑑之取水其相應亦如是也乾

卦雲從龍風從虎龍吟則景雲出虎嘯則谷風生此曰武者避唐太祖諱也感也樊曰淮南子虎嘯而谷風生此曰武者避唐太祖諱也

○今本作虎嘯

足以驗聖之無黨知天地之至公竊比大

羹羹之遺味

韓曰糟大羹不和有遺味者矣

幸希薦於廟中

王司馬宅紅芍藥歌

樊曰王司馬不詳謂誰落句云云而詩不入正集豈好事者竊公名為重故耶

丈人庭中開好花更無凡木爭春華翠莖紅藥

天力與此恩不屬黃鍾家

孫曰黃鍾家富貴之家

溫馨香熟美

鮮香起似笑無言習君子霜刀翦汝天女勞何
事低頭學桃李嬌凝婢子無靈性今本皆作性靈競挽春
衫來比並欲將雙頰一稀紅孫曰稀當作希希學也今作稀疑字誤綠
窓磨徧青銅鏡一罇春酒甘若飴祝曰飴錫也詩董茶如飴○飴音怡
丈人此樂無人知花前醉倒歌者誰楚狂小子
韓退之韓曰論語楚狂接輿

海水

韓曰詩意謂當世無託足之地而有還歸之興豈貞元及弟後歸江南時作耶

海水非不廣鄧林豈無枝

孫曰列子夸父逐日渴欲得飲將走北飲大澤未至

道渴而死棄其杖尸膏肉所浸生鄧林鄧林彌廣數千里焉

風波一蕩薄魚鳥不可

依海水饒大波鄧林多驚風豈無魚與鳥巨細

各不同海有吞舟鯨嚴曰吳都賦云長鯨吞航鯨海大魚也常以五月生子於岸八月導

而還海鼓浪成雷噴沫成兩水族畏之鄧有垂天鵬韓曰莊子鯨化為鵬終而飛其翼若垂天之雲

苟非鱗羽大蕩蕩不可能我鱗不盈寸我羽不

盈尺一木有餘陰一泉有餘澤我將辭海水濯

鱗清冷池我將辭鄧林刷羽蒙籠枝海水非愛

廣鄧林非愛枝風波亦常事鱗羽自不疑一作宜

我鱗日已大我羽日已脩風波無所苦還作鯨

鵬遊

贈崔立之